



Mwh seiq ngux nyied, mak-nengznuengx baenz lo. Ngoenz singh-giz mbwnndit, sim gou hix sangj lo. Daxboh dwen naeuz yaek bae au maknengznuengx, vunz lai engq miz yinx, yienghneix dou couh iu gyoengq bohnax, mehnax caezcaemh bae, ngamqngamq naengh rim aen men-bauhceh ndeu.

Dou naengh youq gwnz ci, sohsob

Mbaet Maknengznuengx

hai bae dieg maknengznuengx, bouxboux aensim cungj mbin daengz geh maknengznuengx lo: Song aen ndoi rim gonengznuengx neix, sieng youq ndaw lueg faex heu, riengz seiqhenz ndoi lueg lien baenz benq, ranz vunzmbanj sanq youq ndawde, loq raen loq mbouj, youh caem youh liengz, dwg yiengh gyaundeilajmbanj gag miz ndwi. Giz deihfueg yienghneix, mboujmiz vunz mbouj simmaez de.

Bouxkawj suen gonengznuengx hawj dou boux aen swx iq, hawj dou gag bae ndaw doengh mbaet au maknengznuengx. Gonengznuengx maj ndaej daemq, gij mak de ca mbouj lai daj goekgo venj daengz byaigo, ndwn youq laj goek, iet fwngz couh mbaet ndaej. Gij maknengznuengx lumj lwg-fwngzmeh baenz hung, couhlumj duznobiz nei, banh rim geh mbaw faexnengznuengx, youq laj mbaw heu, mbaw hung lumj fajfwngz nei, raen venj miz gij nengznuengx yiengh heu oi, yiengh hoengzaeuj, yiengh yaek

hoengzaeuj, yiengh aeujndaem, comz baenz benq, yawj lumj fuk dozveh yiengh guek raeuz au raemxmaeg lai saek veh baenz, caen gyaundeidahraix.

Daihgya daraen le gaenj mbaet gaenj mbaet. Miz boux dawz swx cuengq youq geh nye, ngiengx gyauej au song fwngz mbaet, fwngz doq dak doq mbaet, baez ngaem gyauej couh cuengq gop roengz swx bae, miz boux au swx venj youq gengoz, gungjhwet gaem baenz roix, menhmenh niuj, caiq cuengq roengz ndaw swx bae.

Sawqmwh, gou raen gwnz ndoi miz bang lwgsau iq ndeu, gyoengqde daenj gyaep, najaek venj aenbied, song fwngz baez fan mbaw nengznuengx, ndaw aenbied couh lai miz song roix maknengznuengx.

Gou dinghdingh yawjraen song faj fwngz gyoengqde lumj duzroeg seizcin nei mbin bae mbin dauq, gij yiengh gyoengqde sawqmwh bienqbaenz lwgsau lengj Loz Fuh ndaw 《Moz Sang Sang》 Hanyozfuj lo.

“Ndit hwnj doengnamz daeuj, ciuq laeuz ranz Cinz gou. Ranz Cinz miz sau gyaue, gag au coh Loz Fuh. Dah ak ciengx nonsei, reih singz namz mbaet sangh……Gvaq loh raen Loz Fuh, cuengq rap rub mumh cim. Mbauqgim raen Loz Fuh, guhyiengh coih gaen duk. Dawzcae lumz bawh vaiz, daengz gvaiz lumz gingz gvak……” Gou gingqyienz mbouj rox, seizneix bonjdang dwg boux gvaq roen, roxnaeuz dwg boux youq ndaw reih guhhong lo.

“Byaij lo!” Daxmeh heuh gou, gou doeksaet singj gvaqdaej, nyeux gyauej youh yawj gyoengq lwgsau iq caeuj benq reih nengznuengx neix le, cij doq veq gyauej yawj doq doeknaiq sisi byaij okdaej. Hoeng, youq ndaw reih gonengznuengx faenh simhoz ndei sangj haenx, gij ngeixniemh raen yienghndei ndaw 《Moz Sang Sang》 haenx, cix lumj duznobiz daz sei nei daz mbouj liux mbouj duenh.

(Liuz Yajvwnz / sij
Veiz Caijcin / hoiz)

Saw Ndei Gangj Leix Youh Son Gvai

—Gij Gamjsouh Yawjdoeg 《Loqsiengj Manaezvuengz》

Ngoenzneix gou doigawj 《Loqsiengj Manaezvuengz》 bonj saw neix hawj daihgya. De dwg bouh sawcuenh bienraez ndeu, dwg boux cozgyah mizmingz Sinj Sizhih sij. Bonj saw neix hix dwg bonj saw ndei gaenq riuz doh daengz seiqgyaiq, bingz ndaej ciengj geq mbouj liux, daegbied hab gyoengq nyezrauh raeuz yawjdoeg.

Bouxkawj ndaw bonj saw neix dwg duz manaez meh heuhguh Swjlanz ndeu, de hungmbwk youh fouzsei. Baez gangj daengz Swjlanz, caen hawj vunz roxnyinh sim'in, cigndaej haenhndei youh gingq-cungh ha!

De hawj vunz roxnyinh sim'in, bouxgyan de Hwzsangh, youq dieg ciengx doihduz vutfwz maj go faexcaz mbwnrengx rumz dongj rox rouxringx rim liux haenx, doek roengz laj dat bae dai lo. De hawj vunz dangheiq, dwg aenvih de ciuhvunz siliengz youh hojlien. Lumjbaenz de mizndang seiz deng madwkdaeuq gyaepgaj; caiq lumjbaenz seng haj boux lwg, ndawde song boux ngamq doekfag couh deng swyenz caihaih haih dai lo……

De cigndaej raeuz gingq-cungh, youq ndaw ndoengfaex yakiemj youh yiemzhaenq, de ganq sam boux lwg, yied ngoenz yied majhung bienq ak, hoeng ceng' au aen diegvih manaezvuengz seiz, vihliux baujhoh gyoengq lwg swheij caeuj duzyiuh yak hoenxbuek, doeklaeng caeuj yih caez dai.

Cozgyah Sinj Sizhih, dawz

duz manaez meh hungmbwk fouzsei ndeu baenzlawz buekmingh ciengx lwg sij ndaej cingcuj caezcup. Aen goj neix lwnh raeuz nyi, diuzroen ciuhvunz raeuz cix mbouj dwg bingzbwd, cungj dwg gumzgumz gamxgamx, miz ndei miz cuij. Raeuz bouxlawz cungj mbouj rox, baihlaeng gyaundeilajmbouj dwg dieggungz, hoeng raeuz rox baihlaeng dieggungz itdingh dwg gyaundeilaj. Gij ginglig Swjlanz lwnh raeuz nyi: “Guh gijmaz saeh, cungj au genhciz roengzbae, danghnaeuz mwngz guh daengz byongh couh vut, haengjidingh guh mbouj baenz saeh; hoeng danghnaeuz mwngz caiq cengqdingj roengzbae, lai roengz-rengz di, saeklaeuj guh ndaej baenz ne!”

《Loqsiengj Manaezvuengz》 bonj saw neix, son gou rox haujlai dauhleix, sou hix ndaej cawx daeuj yawjdoeg ha!

(Dungj Swjhau / sij
Vangz Gyanghmyauz / hoiz)



Gyauejgungq Baenz Gwn Lwi?

Seizhah haeuj haemh rumz liengz le, gyoengqvunz cungj gyauez gwn gungqlungziq, daxmeh couh dwg boux ak gwn gungqlungziq. De riengjret mbit gyauej gungq ndang gungq, baez caenx rieng gungq, nohgungq “bwdlwd” couh okdaej lo, caiq cup amq “gauhenj” ndaw gyauejgungq, couh feih lumj gwn gaubaeu ityiengh.

“Lijdwg mbouj cup gyauejgungq lo, ndawde miz haex, gou lau lijimiz ginh-suznaek dem, doiq ndang mbouj ndei!” Gij vah daxboh hawj dou gig dawzhaeujsim. Gou ceuqleuz vix gij gaugungq naeuz: “Gijneix cungj dwg haex deng mbouj deng?” Daxboh maih sawmaeg rim dungx hix naemjneij mbouj dingh.

Dou dawz gyauejgungq vid youq henz ndeu. Yaep he, sam bat hung gungqlungziq dou gwn liuxseuq lo. Ma daengz ranz, gou sikhaek hwnj gwnz muengx

bae caz swhliu. Laxlawz gij gaugungq saek henjgim de dwg gaiq siuvaq duzugungq, mbouj dwg haex gungq. Miz ciennieb gihgou yungh 210 duz gungqlungz guh genjcwz sizyen, genj ok ndaw ndang gungqlungz caen hamz miz cenh, gwz daengj ginhuznaek, danhseih gij hamz soq neix cungj lij dwg youq ndaw gvaengh sizbinj ancienz biucinj guekgya gvi-dingh haenx, cijaeu gungqlungziq dwg daj diuz loh cingqsoq cawx au, couh mbouj yungh yousim gijmaz, ndaej cuengqsim gwn ne.

“Yawjdaej gyauejgungq hix ndaej cup.” Daxboh gaij bak naeuz.

“Danhseih mbouj ndaej gwn lai gvaqbouh!” Gou bouj naeuz.

“Cim gij coenz neix, caen ndaej rengz.” Daxmeh daengj mehfwngz hwnj lo.

(Yi Anhyanz / raiz
Veiz Yen'gyangz / hoiz)